

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
JU CENTAR ZA SOCIJALNI RAD KAKANJ**

PRIJEDLOG

**PLAN I PROGRAM RADA
JU CENTAR ZA SOCIJALNI RAD KAKANJ ZA 2025. GODINU**

KAKANJ, JULI 2025. GODINE

UVOD:

Djelatnost Centra za socijalni rad Kakanj će se fokusirati na aktivnostima koje će unaprijediti postojeće stanje i doprinijeti razvoju socijalne zaštite, zaštite civilnih žrtava rata i zaštite porodice sa djecom, porodično-pravne zaštite pojedinca i porodice, vodeći računa o registrovanoj djelatnosti i zakonskom okviru.

Centar na osnovu javnih ovlaštenja obavlja sljedeće zadatke:

- a) daje podatke o porodičnim prilikama, te mišljenja i prijedloge o sudskim postupcima koji se odnose na porodično pravo i krivično - pravnu zaštitu,
- b) sudjeluje kao stranka ili umješak pred sudom i drugim državnim organima, kad se radi o zaštiti ličnih interesa djece i drugih članova porodice, koji se ne mogu brinuti sami o sebi, ni o svojim pravima i interesima,
- c) obavlja nadzor nad porodicom koje su primile na smještaj djecu i odrasla lica.

Centar može obavljati i poslove zbrinjavanja djece odbjegle iz porodice i ustanove, poslove dnevnog zbrinjavanja djece sa posebnim potrebama, provoditi odgojne mjere nad djecom sa poremećajima u ponašanju, izvan vlastite porodice i sa boravkom u porodici, te pružati pomoć i njegu u kući.

Centar obavlja i druge stručne poslove:

- a) potiče, organizuje i provodi aktivnosti sa svrhom sprečavanja i suzbijanja socijalnih, porodičnih i ličnih problema,
- b) prati i proučava probleme iz oblasti socijalne zaštite i vodi stručno analitičke poslove,
- c) potiče i razvija samopomoć, dobrosusjedsku pomoć, dobrovoljni socijalni rad, dobrotvorne i druge djelatnosti,
- d) obavlja poslove savjetovanja za probleme braka i porodice, odgoja djece, usvojenja sudjeluje u aktivnostima od značaja za prevenciju i suzbijanje od ovisnosti od alkohola, droge, i drugim opojnim sredstvima i drugim socijalno patološkim pojavama,
- e) preduzima mjere od značaja za unaprjeđenje politike socijalne zaštite,
- f) predlaže, potiče i usklađuje druge aktivnosti u području socijalne zaštite na lokalnom nivou,
- g) podstiče i organizuje aktivnosti od preventivnog značaja za oblast socijalne zaštite,
- h) neposredno pruža usluge socijalnog rada,
- i) obavlja poslove u oblasti porodične zaštite, zaštite civilnih žrtava rata, zaštite porodice sa djecom, zaštite odgojno zanemarene djece, te učestvuje u izvršavanju odgojnih mjera i mjera zaštitnog nadzora,
- j) pruža savjetodavne usluge i stručnu pomoć pojedincu, porodici i grupama građana,

- k) sarađuje sa građanima, mjesnim zajednicama, državnim organima, i ustanovama, pravnim licima, udruženjima građana, pravosudnim organima, policijskim upravama i drugim organima, koji mogu doprinijeti unaprjeđivanju kvaliteta socijalnog rada i socijalne zaštite.
- l) vodi propisanu evidenciju i prikuplja dokumentaciju o korisnicima socijalne zaštite, oblicima i uslugama socijalne zaštite, korisnicima civilnih žrtava rata i zaštite porodice sa djecom i vodi stručno-analitičke poslove i dostavlja podatke Ministarstvu,
- m) obavlja poslove i ima ovlaštenja organa starateljstva, utvrđena porodičnim zakonom i drugim zakonima i propisima,
- n) razvija unaprjeđenje saradnje sa lokalnom zajednicom,
- o) obavlja i druge poslove utvrđene zakonom, aktima osnivača, Kantona i samog Centra.

Bitna odrednica planiranja i rada Centra u 2025. godini je afirmacija principa: usmjeravanje usluga prema potrebama građana-korisnika i multisektoralni pristup rješavanju problema kroz djelovanje na temelju partnerstva vladinog, nevladinog i privatnog sektora.

KORISNICI SOCIJALNE ZAŠTITE

Korisnici socijalne zaštite u smislu Zakona o socijalnoj zaštiti , zaštititi civilnih žrtava rata i zaštititi porodice sa djecom su:

- a)djeca bez roditeljskog staranja;
- b)odgojno zanemarena djeca;
- c)odgojno zapuštena djeca;
- d)djeca čiji je razvoj ometen porodičnim prilikama;
- e)lica sa invaliditetom i lica ometena u fizičkim ili psihičkom razvoju;
- f) materijalno neosigurana i za rad nesposobna lica;
- g)stara lica ,bez porodičnog staranja;
- h)lica sa društveno negativnim ponašanjem;
- i)lica ovisna o psihoaktivnim supstancama;
- j)lica i porodice u stanju socijalne potrebe kojima je usljed posebnih okolnosti potreban odgovarajući oblik socijalne zaštite.

Prava iz socijalne zaštite, u smislu navedenog Zakona su:

- a)novčana i druga materijalna pomoć;
- b)osposobljavanje za život i rad;
- c)smještaj u drugu porodicu;
- d)smještaj u ustanove socijalne zaštite;
- e)usluge socijalnog i dr. stručnog rada;
- f)kućna njega i pomoć u kući;
- g)vršenje starateljstva i nadzor.

1. SOCIJALNA ZAŠTITA MALOLJETNIH LICA

Zaštita djece bez roditeljskog staranja

Zaštita djece bez roditeljskog staranja u skladu sa zakonom se obezbjeđuje kroz slijedeće oblike socijalne zaštite: starateljstvo, usvojenje, smještaj u ustanovu socijalne zaštite i hraniteljstvo.

Djeca bez roditeljskog staranja imaju pravo i mogućnost korištenja socijalnih usluga koje pruža organ starateljstva kao glavni faktor koordinacije usluga dječije zaštite i podrške porodicama, kao što su: usluge savjetovanja i psihosocijalne usluge.

Pokazatelji o broju djece bez roditeljskog staranja obuhvaćene oblicima i uslugama socijalne zaštite u 2023., 2024. godini(zaključno sa 31.12.2024. godine) i očekivanja u 2025. godini iskazani su u Tabeli br.1.

Tabela br.1

OBLICI I USLUGE SOCIJALNE ZAŠTITE	Br.djece u 2023. god.	Br.djece u 2024. god.	Očekivani broj djece u 2025. g.
Starateljstvo nad maloljetnim licima	13	10	10
Starateljstvo za posebne slučajeve	1	8	8
Usvojenje	-	-	-
Hraniteljstvo	12	9	9
Smještaj u ustanove socijalne zaštite	13	12	11
Ukupno:	39	39	38

Starateljstvo, usvojenje i hraniteljstvo kao oblici socijalne zaštite se realiziraju unutar lokalne zajednice, dok se smještaj djece u ustanove socijalne zaštite realizira izvan lokalne zajednice.

Smještaj u ustanovu socijalne zaštite može ostvariti dijete kojem je potrebna stalna briga i pomoć u zadovoljavanju njegovih životnih potreba, a ne može ih ostvariti u vlastitoj porodici ili drugoj porodici ili na drugi način .

Ustanova za djecu bez roditeljskog staranja osigurava djeci bez roditeljskog staranja i djeci čiji je razvoj ometen porodičnim prilikama zbrinjavanje, smještaj, odgoj , obrazovanje i osposobljavanje za samostalan život i rad , sve dok se ne osiguraju uvjeti za njihov povratak u vlastitu porodicu, usvojenje, uključivanje u život izvan ustanove ili primjenu odgovarajućeg oblika zaštite.

Pokazatelji o broju djece bez roditeljskog staranja smještene u ustanove socijalne zaštite 2023., 2024. godini(zaključno sa 31.12.2024. godine) i očekivanja u 2025. godini iskazani su u Tabeli br.2.

Tabela br.2.

NAZIV USTANOVE	Br.djece u 2023. god.	Br.djece u 2024. god.	Očekivani broj djece u 2025. g.
Dom porodica Zenica	12	10	10
Ustanova za prihvatanje i odgoj djece „Mala škola“ Vareš	1	1	1
Ukupno:	13	11	11

U cilju zaštite djece bez roditeljskog staranja u 2025. godini a cijeneći najbolji interes djece, Centar će u zavisnosti od potreba djece raditi na: zbrinjavanju i smještaju djece u ustanove socijalne zaštite i hraniteljske porodice, kao i praćenju razvoja smještene djece u porodice i ustanove socijalne zaštite, te stavljanju djece pod starateljstvo i imenovanje stalnih staratelja i posebnog staratelja za pojedine poslove odnosno staratelja za poseban slučaj a sve u cilju zaštite prava i interesa djeteta.

Obzirom da se iz godine u godinu povećava broj potencijalnih usvojitelja koji izražavaju želju za usvajanjem djece, kao i hranitelja koji su primili na smještaj djecu u vlastite porodice (hraniteljstvo) u cilju zaštite prava i interesa djeteta Centar u narednom periodu će promovirati usvojenje kao najpovoljniji oblik zaštite i zbrinjavanja djece .

Smještaj djece uz osiguranu ishranu u ustanovama predškolskog odgoja

Subvencioniranja troškova smještaja djece predškolskog uzrasta u ustanovama za predškolski odgoj i obrazovanje, ostvaruje se u skladu sa Odlukom o sprovođenju socijalne zaštite, zaštite civilnih žrtava rata i zaštite porodice sa djecom (“Službene novine općine Kakanj”, broj: 1/08 i 8/14) te kriterijima ustanove predškolskog odgoja a finansiranje se obezbjeđuje u Budžetu Općine..

Pravo na smještaj djece u ustanovama predškolskog odgoja i obrazovanja uz osiguranu ishranu, mogu ostvariti djeca predškolskog uzrasta: korisnika stalne novčane pomoći ,djeca na smještaju u drugu porodicu, djeca na smještaju u srodničkoj porodici ,djeca bez roditeljskog staranja - djeca pod starateljstvom, djeca iz porodice u kojoj živi dijete ili odrasla osoba ometena u psihičkom ili fizičkom razvoju i djeca sa teškoćama u razvoju .

- Pokazatelji o broju djece predškolskog uzrasta smještenih u ustanovu za predškolski odgoj i obrazovanje u 2023., 2024. godini(zaključno sa 31.12.2024. godine) i očekivanja u 2025. godini iskazani su u Tabeli br.3.

Tabela br.3

USTANOVA ZA PREDŠKOLSKI ODGOJ	Br.djece u 2023. god.	Br.djece u 2024. god.	Očekivani broj djece u 2025. g.
JU za predškolski odgoj i obrazovanje „Mladost“ Kakanj	13	11	11

U narednoj godini kao i predhodnih godina, Centar će nastojati u skladu sa potrebama djece predškolskog uzrasta obezbjediti smještaj u ustanove za predškolski odgoj i obrazovanje.

Zaštita odgojno zanemarene i zapuštene djece i maloljetnika

Centar za socijalni rad, kao organ starateljstva ima izuzetno značajnu ulogu u prekršajnim i krivičnim postupcima prema maloljetnicima, samostalni je stručni organ koji zastupa interese ustanove s osnovnim ciljem doprinosa donošenju pravilne odluke odnosno izboru pravilne odgojne preporuke ili krivične sankcije prema maloljetniku, koja odgovara stepenu njegove duševne razvijenosti i potrebi njegovog preodgoja, čiji je krajnji rezultat uspješna socijalna integracija a posebno važna uloga Centra je u radu sa maloljetnim počiniocima krivičnih djela mlađim od 14 godina koja nisu krivično odgovorna.

Prema maloljetnim počiniocima krivičnog djela shodno Zakonu o zaštiti i postupanju sa djecom i maloljetnicima u krivičnom postupku FBiH, mogu se izreći: odgojne mjere, kazna maloljetničkog zatvora i mjere bezbjednosti.

U smislu Zakona odgojne mjere su:

- 1) mjere upozorenja i usmjeravanja: sudski ukor, posebne obaveze i upućivanje u odgojni centar;
- 2) mjere pojačanog nadzora: pojačani nadzor od strane roditelja, usvojitelja ili staratelja, pojačan nadzor u drugoj porodici, pojačan nadzor nadležnog organa socijalnog staranja i
- 3) zavodske mjere: upućivanje u odgojnu ustanovu, upućivanje u odgojno - popravni dom i upućivanje u posebnu ustanovu za liječenje i osposobljavanje.

Pokazatelji o broju odgojno zanemarene i zapuštene djece i maloljetnika kojima su izrečene odgojne mjere u 2023., 2024. godini (zaključno sa 31.12.2024. godine) i očekivanja u 2025. godini iskazani su u Tabeli br.4

Tabela br.4

IZRICANJE ODGOJNIH MJERA PREMA MALOLJ.POČINIOCIMA KRIVIČNIH DJELA	Br.djece i maloljetnika u 2023. god.	Br.djece i maloljetnika u 2024. god.	Očekivani br.djece. i mal. u 2025. god.
sudski ukor	1	1	-
posebne obaveze	-	-	-
upućivanje u odgojni centar	-	-	-
pojačani nadzor od roditelja, usvojitelja ili staratelja	-	1	1
pojačan nadzor u drugoj porodici	-	-	-
pojačan nadzor nadležnog organa socijalnog staranja	1	2	2
upućivanje u odgojnu ustanovu	-	-	-
upućivanje u odgojno popravni dom	-	-	-
upućivanje u posebnu ustanovu za liječenje i osposobljavanje	-	-	-
posebna obaveza da se uključi u pojedinačni ili grupni tretman u savjetovalištu za mlade	-	-	-
Ukupno:	2	4	3

Kao alternativni model reakcije na delinkvenciju maloljetnika u skladu sa Zakonom o prekršajima FBiH prema maloljetnim počiniocima prekršaja mogu se primjeniti sljedeće odgojne/vaspitne preporuke:

- lično izvinjenje oštećenom;
- nadoknada štete oštećenom;
- redovno pohađanje škole ili redovno odlaženje na posao;
- uključivanje u rad, bez nadoknade u humanitarne organizacije ili poslove socijalnog, lokalnog ili ekološkog sadržaja;
- liječenje u odgovarajućoj zdravstvenoj ustanovi(bolničko ili ambulantno);
- uključivanje u pojedinačni ili grupni tretman odgojnih, obrazovnih, psiholoških i drugih savjetovaništa.

Zaštita odgojno zanemarene i zapuštene djece će se odvijati u saradnji sa obrazovnim institucijama, policijskim službama a prevashodno sa porodicom i ista će biti usmjerena prvenstveno na preventivno djelovanje kroz organizovanje radionica za djecu sa poremećajem u ponašanju u koje bi bili uključeni roditelji, nastavno osoblje i drugi predstavnici institucija koje mogu doprinijeti prevenciji maloljetničkog prestupništva.

Održavanje navedenih radionica je predviđeno u novoopremljenom Porodičnom savjetovalištu JU Centar za socijani rad Kakanj kao i drugim sredinama (obrazovnim ustanovama i institucijama).

Zaštita djece i mladih sa teškoćama u razvoju

Djeca i mladi sa teškoćama u razvoju su djeca koj imaju određene probleme koji im onemogućavaju određene aktivnosti i utiču na ostale segmente njihovog razvoja .

Shodno navedenom , djeca i mladi sa teškoćama u razvoju su:

- s oštećenjem vida
- s oštećenjem sluha
- s govorno - jezičkim teškoćama
- s motoričkim poremećajima
- s intelektualnim i razvojnim teškoćama
(teško, teže, umjereno, lako)
- s višestrukim teškoćama .

Pored navedenih kategorija u djecu i mlade sa teškoćama u razvoju spadaju i djeca sa problemima u ponašanju , te djeca sa teškoćama u učenju (disleksija, disgrafija, diskakulalija).

Pokazatelji o broju djece i mladih sa teškoćama u razvoju obuhvaćene oblicima i uslugama socijalne zaštite u 2023., 2024. godini(zaključno sa 31.12.2024. godine) i očekivanja u 2025. godini iskazani su u Tabeli br.5.

Tabela br.5

DJECA I MLADI SA TEŠKOĆAMA U RAZVOJU	Br.djece u 2023. god.	Br.djece u 2024. god.	Očekivani broj djece u 2025. g.
s oštećenjem vida	1	1	1
s oštećenjem sluha	1	-	-
s govorno - jezičkim teškoćama	6	5	4-
s motoričkim poremećajima	3	2	2
s intelektualnim i razvojnim teškoćama (teško, teže, umjereno, lako)	7	3	3
s višestrukim teškoćama	36	35	33
Ukupno:	54	46	43

Djelatnost Centra u zaštiti ove kategorije djece planirana je kroz sljedeće aktivnosti:

- otkrivanje i rad sa djecom i mladima sa teškoćama u razvoju ,
- uključivanje u obrazovanje i osposobljavanje,
- ostvarivanje saradnje sa osnovnim i srednjim školama, pružanje stručne pomoći po planu zajedničkog osposobljavanja djece i mladih sa teškoćama u razvoju,
- uključivanje djece i mladih sa teškoćama u razvoju u škole za osposobljavanje i zavode,
- pružanje pomoći pri ostvarivanju prava po pozitivnim zakonskim propisima,
- pružanje pomoći i uključivanje u rad Udruženja za djecu i mlade sa teškoćama u razvoju.

Osposobljavanje za rad djece sa teškoćama u razvoju

Pravo na osposobljavanje za život i rad ostvaruje dijete sa teškoćama u razvoju do navršenih 15 godina života, kroz osnovno obrazovanje i odgoj u ustanovama namijenjenim djeci sa teškoćama u razvoju ili u posebnim odgojnim grupama u odgovarajućim ustanovama za osnovno obrazovanje a sa navršenih 15 odnosno 18 godina života, ostvaruje pravo na osposobljavanje za život i rad u srednjoj školi u kojoj se ostvaruju stručni, posebno prilagođeni programi za obrazovanje navedene djece.

Osposobljavanje za rad djece sa teškoćama u razvoju će se obezbjeđivati u skladu sa potrebama djece.

Pokazatelji o broju djece i mladih sa teškoćama u razvoju obuhvaćene osposobljavanjem za život i rad u 2023., 2024. godini(zaključno sa 31.12.2024. godine) i očekivanja u 2025. godini iskazani su u Tabeli br.6.

Tabela br.6

NAZIV USTANOVE	Br.djece u 2023. god.	Br.djece u 2024. god.	Očekivani broj djece u 2025. g.
JU Srednja škola za stručno obrazovanje i radno osposobljavanje Zenica	2	2	2

2.SOCIJALNA ZAŠTITA PUNOLJETNIH LICA

Zaštita materijalno neobezbijeđenih i za rad nesposobnih lica

Pravo na stalnu novčanu pomoć mogu ostvariti lica i porodice, pod slijedećim uvjetima:
-da su nesposobni za rad, odnosno spriječeni u ostvarivanju prava na rad;
-da nemaju dovoljno prihoda za izdržavanje;
-da nemaju članova porodice koji su po zakonu obavezni da ih izdržavaju ili ako ih imaju, da ta lica nisu u mogućnosti da izvršavaju obavezu izdržavanja.

Pokazatelji o broju materijalno neobezbijeđenih i za rad nesposobnih lica obuhvaćenih oblicima i uslugama socijalne zaštite u 2023., 2024. godini(zaključno sa 31.12.2024. godine) i očekivanja u 2025. godini iskazani su u Tabeli br.7.

Tabela br.7

NOVČANA I DRUGA MATERIJALNA POMOĆ	Br.lica u 2023.god.	Br.lica u 2024.god.	Očekivani br.lica u 2025.god.
stalna novčana pomoć	156	148	150

Sa stupanjem na snagu Zakona o Izmjenama i dopunama Zakona o socijalnoj zaštiti, zaštiti CŽR i zaštiti porodice sa djecom (Kantonalni zakon) , sa primjenom od 01.09.2022. godine kojim su predviđeni novi uslovi za ostvarivanja prava u kojima su se prihodi osoba sa invaliditetom koji se u ranijim zakonskim odredbama nisu tretirali kao prihodi , sa navedenim su tretirana i te kao takva su uticala na ostvarivanja prava, kojom prilikom je ustanova bila u obavezi izvršiti obustavu prava korisnicima stalne novčane pomoći zbog ne ispunjavanja uslova za dalje korištenje prava sa primjenom Zakona o Izmjenama i dopunama Zakona o socijalnoj zaštiti, zaštiti CŽR i zaštiti porodice sa djecom od 01.09.2022. godine.

Zbog teškog materijalnog stanja korisnicima stalne novčane pomoći Centar će nastojati obezbijediti subvencije komunalnih usluga i naturalna davanja, kao i druge vidove pomoći u skladu sa potrebama.

Lica sa invaliditetom- prava i usluge

Zakonom o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom („ Službene novine FBiH “ broj:14/09) koji je stupio na snagu 12.03.2009. godine propisano je da se licima sa invaliditetom sa utvrđenim procentom oštećenja organizma u visini od 100% i 90% priznaje pravo na ličnu invalidninu a ukoliko je iskazana potreba za njegom i pomoći drugog lica, dodatak za njegu i pomoć drugog lica I grupe ili II grupe, kao i potreba za ortopedskim dodatkom.

Pokazatelji o broju korisnika prava lica sa invaliditetom u 2023., 2024. godini(zaključno sa 31.12.2024. godine) i očekivanja u 2025. godini iskazani su u Tabeli br.8.

Tabela br.8

PRAVA I USLUGE SOCIJALNE ZAŠTITE LICA SA INVALIDITETOM	Br.lica u 2023.god.	Br.lica u 2024.god.	Očekivani br.lica u 2025.god.
lična invalidnina (lica sa invaliditetom sa 90% i 100% oštećenja organizma)	716	713	711

U skladu sa pozitivnim zakonskim propisima kao i potrebama korisnika usluga Centar će navedenoj kategoriji korisnika obezbijediti pravo na materijalna davanja, osposobljavanje za život i rad , smještaj u ustanove socijalne zaštite, hraniteljske porodice a za lica kojima je ograničena ili oduzeta poslovna sposobnost imenovati staratelja.

Roditelji - njegovatelji, status i prava

Zakonom o roditeljima njegovateljima u Federaciji Bosne i Hercegovine (stupio na snagu u 2021. godini, sa primjenom od 30. decembra 2021.godine) predviđeno je da se status roditelja njegovatelja priznaje jednom od roditelja lica sa invaliditetom sa 100% oštećenjem organizma i pravom na dodatak za njegu i pomoć od drugog lica prve grupe, utvrđenim u skladu sa Zakonom o osnovama socijalne zaštite, zaštite civilnih žrtava rata i zaštite porodice sa djecom .

Status roditelja njegovatelja može ostvariti i lice iz reda srodnika koje je, u skladu s odredbama Porodičnog zakona Federacije Bosne i Hercegovine, organ starateljstva imenovao za staratelja .

Roditelj njegovatelj ima pravo na mjesečnu naknadu u visini iznosa neto najniže plaće u Federaciji Bosne i Hercegovine, u skladu sa Zakonom o radu Federacije Bosne i Hercegovine na koju se uplaćuju doprinosi za penzijsko i invalidsko osiguranje, zdravstveno osiguranje i osiguranje za vrijeme nezaposlenosti.

Pokazatelji o broju lica sa statusom roditelja- njegovatelja u 2023., 2024. godini(zaključno sa 31.12.2024. godine) i očekivanja u 2025. godini iskazani su u Tabeli br.9.

Tabela br.9

KORISNICI PRAVA IZ SOCIJALNE ZAŠTITE	Br.lica u 2022.god.	Br.lica u 2023.god.	Očekivani br.lica u 2024.god.
Roditelji - njegovatelji	39	39	40

Kao i predhodnim godinama i u narednim godinama , Centar će roditeljima njegovateljima omogućiti ostvarivanje prava po osnovu statusa roditelja njegovatelja.

Smještaj u ustanovu socijalne zaštite kao oblik zaštite lica sa invaliditetom

Smještaj u ustanovu socijalne zaštite može ostvariti dijete i odraslo lice kojem je potrebna stalna briga i pomoć u zadovoljavanju njihovih životnih potreba, a ne može ih ostvariti u vlastitoj porodici ili u drugoj porodici ili na drugi način.

Pokazatelji o broju lica sa invaliditetom smještenih u ustanove socijalne zaštite u 2023., 2024. godini (zaključno sa 31.12.2024. godine) i očekivanja u 2025. godini iskazani su u Tabeli br.10.

Tabela br.10

NAZIV USTANOVE	Br.štićenika u 2023. god.	Br.štićenika u 2024. god.	Očekivani br.štićenika u 2025. god.
Ustanova za socijalno zbrinjavanje i zdravstvenu njegu, odgoj i obrazovanje - Pazarić	6	6	6
Ustanova za socijalno zbrinjavanje i zdravstvenu njegu - Bakovići, Fojnica	11	10	10
Ustanova za socijalno zbrinjavanje i zdravstvenu njegu - Drin, Fojnica	16	14	14
Ustanova „Sumero centar za podršku osobama sa invaliditetom u zajednici“ Zenica	3	2	4
JZU Zavod za psihijatrijsku forenziku Sokolac, Podromanija	2	3	3
Ukupno:	38	35	36

Zaštita starih lica bez porodičnog staranja

Starim licem bez porodičnog staranja smatra se lice starije od 65 godina (muškarac), odnosno 60 godina (žena), koje nema članove porodice niti ima srodnike koji su po zakonu obavezni da ga izdržavaju, ili ako ih ima, ta lica nisu u mogućnosti da izvršavaju obavezu izdržavanja.

Pokazatelji o broju starih lica bez porodičnog staranja obuhvaćenih oblicima i uslugama socijalne zaštite u 2022., 2023. godini i očekivanja u 2024. godini iskazani su u Tabeli br.11.

Tabela br.11

KATEGORIJA KORISNIKA USLUGA	Br.lica u 2023.god.	Br.lica u 2024.god.	Očekivani br.lica u 2025.god.
stara lica bez porodičnog staranja	126	101	110

Zaštita starih lica bez porodičnog staranja će se odvijati u skladu sa potrebama uvođenjem u prava propisana zakonom: stalna novčana pomoć, privremene ili jednokratne novčane pomoći, naturalno davanje, prava lica sa invaliditetom, kućna njega i pomoć u kući.

Pokazatelji o broju starih lica bez porodičnog staranja smještenih u ustanove socijalne zaštite u 2023., 2024. godini(zaključno sa 31.12.2024. godine) i očekivanja u 2025. godini iskazani su iskazani su u Tabeli br.12.

Tabela br.12

NAZIV USTANOVE	Br.štićenika u 2023. god.	Br.štićenika u 2024. god.	Očekivani br.štićenika u 2025. god.
Dom za stara lica Naš dom Travnik	3	3	3
Dom za stara lica Zenica	-	-	1
Penzionerski dom sa stacionarom Zenica	13	8	8
Centar za zbrinjavanje i njegu starih i iznemoglih lica „Ruhama“ Zenica	3	-	1
Ukupno:	19	11	13

Centar će u skladu sa svojim ovlaštenjima poduzimati odgovarajuće mjere pružanja zaštite starim licima bez porodičnog staranja, obezbjediti smještaj u hraniteljsku porodicu ili u ustanovu socijalne zaštite ukoliko se ne mogu sami starati o sebi.

Zaštita lica sa društveno- negativnim ponašanjem

Lice sa društveno negativnim ponašanjem je lice koje se odaje besposličarenju, skitnji, prosjačenju, prostituciji, alkoholizmu, lice ovisno o psihoaktivnim supstancama i drugim oblicima društveno negativnog ponašanja, a registrovano je kao lice sa društveno negativnim ponašanjem i kao takvo je uključeno u tretman socijalne rehabilitacije.

Pokazatelji o broju lica sa društveno negativnim ponašanjem obuhvaćenih oblicima i uslugama socijalne zaštite u 2023., 2024. godini(zaključno sa 31.12.2024. godine) i očekivanja u 2025. godini iskazani su u Tabeli br.13.

Tabela br.13

KATEGORIJA KORISNIKA USLUGA	Br.lica u 2022.god.	Br.lica u 2023.god.	Očekivani br.lica u 2024.god.
lica sa društveno negativnim ponašanjem	3	3	2

U cilju sprečavanja i širenja društveno negativnih pojava, Centar će poduzimati preventivne mjere kao i usmjeriti rad na ranom otkrivanju.

U saradnji sa PU Visoko PS Kakanj , Kantonalnim tužilaštvom, Općinskim sudom , Centrom za mentalno zdravlje Kakanj, Kantonalnim zavodom za borbu protiv ovisnosti, kao i drugim subjektima poduzimati odgovarajuće mjere na sprječavanju asocijalnih pojava.

Tretman socijalne rehabilitacije može ostvariti lice ovisno o psihoaktivnim supstancama pod uvjetima :

- a) da je registrovano kao ovisno o psihoaktivnim supstancama,
- b) da se dobrovoljno uključilo u tretman socijalne rehabilitacije, resocijalizacije i reintegracije,
- c) da u potpunosti sarađuje u trajanju tretmana,
- d) da se nalazi u stanju socijalne potrebe.

Lica izložena nasilju i zlostavljanju u porodici

Nasilje u porodici je bilo koje djelo, činjenje ili propust u dinamici međusobnih odnosa, koji drugom nanosi fizičku, mentalnu, seksualnu, ekonomsku štetu ili patnju.

Pokazatelji o broju lica izloženih nasilju i zlostavljanju u porodici obuhvaćenih oblicima i uslugama socijalne zaštite u 2023., 2024. godini (zaključno sa 31.12.2024. godine) i očekivanja u 2025. godini iskazani su u Tabeli br.14.

Tabela br.14

KATEGORIJA KORISNIKA USLUGA	Br.lica u 2023.god.	Br.lica u 2024.god.	Očekivani br.lica u 2025.god.
lica izložena nasilju i zlostavljanju u porodici	37	39	36

Bitno je napomenuti da je zajedničko angažovanje institucija u promoviranju zaštite od nasilja u porodici i kako prepoznati nasilje u značajnoj mjeri doprinijelo buđenje svijesti za prijavom nasilja kod žrtava nasilja odnosno lica izloženih nasilju i zlostavljanju u porodici.

U saradnji sa drugim institucijama Centar će provoditi radnje u pružanju pomoći licima izloženim nasilju i zlostavljanju, organizirati radionice, okrugle stolove na teme nasilja nad ženama, nasilja u porodici, nasilja nad djecom, vršnjačko nasilje i dr. a posebno u okviru Kampanje „16 dana aktivizma protiv rodno zasnovanog nasilja“.

Zaštita lica i porodica u stanju socijalne potrebe, kojima je uslijed posebnih okolnosti potreban odgovarajući oblik socijalne zaštite

Licima odnosno porodicama u stanju socijalne potrebe, kojima je uslijed posebnih okolnosti potreban odgovarajući oblik socijalne zaštite osigurava se pravo na drugu materijalnu pomoć.

Druga materijalna pomoć, u smislu zakona je privremena, jednokratna, druga novčana pomoć i naturalno davanje materijalno neosiguranom licu ili porodici koja se nađe u stanju socijalne potrebe zbog: pretrpljene prisilne migracije, repatrijacije, smrti jednog ili više članova porodice, liječenja, odlaska i povratka sa liječenja, otpuštanja sa izdržavanja kazne zatvora, izvršavanja odgojne mjere, elementarne nepogode, iznenadnih nesretnih događaja u porodici i drugih okolnosti koje uzrokuju stanje socijalne potrebe.

Pravo na drugu materijalnu pomoć ostvaruju lica i porodice ukoliko im prihodi domaćinstva ne prelaze iznos minimalne penzije, odnosno za domaćinstva sa većim prihodima ako im prihodi po članu domaćinstva mjesečno ne prelaze iznos od 15% prosječne plaće Kantona.

Pokazatelji o broju lica i porodica u stanju socijalne potrebe, kojima je uslijed posebnih okolnosti potreban odgovarajući oblik socijalne zaštite, obuhvaćenih oblicima i uslugama socijalne zaštite u 2023., 2024. godini(zaključno sa 31.12.2024. godine) i očekivanja u 2025. godini iskazani su u Tabeli br.15.

Tabela br.15

OBLICI I USLUGE SOCIJALNE ZAŠTITE MATERIJALNO NEOBEZBJEĐENIH I ZA RAD SPOSOBNIH LICA	Br.lica u 2023.god.	Br.lica u 2024.god.	Očekivani br.lica u 2025.god.
privremena ili jednokratna novčana pomoć	103	126	130

Pored navedenog vida pomoći u 2025. godini Centar će nastojati da licima odnosno porodici u stanju socijalne potrebe, kojima je uslijed posebnih okolnosti potreban odgovarajući oblik socijalne zaštite da obezbijedi i naturalno davanje ili drugi vid pomoći.

3. ZAŠTITA CIVILNIH ŽRTAVA RATA

Civilna žrtva rata je lice kod kojeg je tokom rata ili neposredne ratne opasnosti, usljed ranjavanja ili nekog drugog oblika ratne torture nastupilo oštećenje organizma, što uključuje mentalno oštećenje ili značajno narušavanje zdravlja ili nestanak ili pogibiju tog lica.

Pokazatelji o broju lica - civilnih žrtava rata i članova porodica civilnih žrtava rata obuhvaćenih oblicima i uslugama socijalne zaštite u 2023., 2024. godini(zaključno sa 31.12.2024. godine) i očekivanja u 2025. godini iskazani su u Tabeli br.16.

Tabela br.16

KATEGORIJA KORISNIKA USLUGA	Br.lica u 2023.god.	Br.lica u 2024.god.	Očekivani br.lica u 2025.god.
civilne žrtve rata	12	11	11
članovi porodica civilnih žrtava rata	7	6	6

U skladu sa zakonom i potrebama Centar će civilnim žrtvama rata omogućiti ostvarivanje prava na materijalna davanja kao i drugi vid zaštite.

ZAŠTITA PORODICE SA DJECOM

Osnovna prava porodice sa djecom u skladu sa Zakonom su:
-dječiji dodatak.

naknada umjesto plaće ženi-majci u radnom odnosu, za vrijeme dok odsustvuje s posla radi trudnoće , porođaja i njege djeteta,
-novčana pomoć za vrijeme trudnoće i porođaja žene-majke koja nije u radnom odnosu,
-osiguranje jednog obroka u vrijeme nastave u školama osnovnog obrazovanja .

Dječiji dodatak

Osnovno pravo porodice sa djecom finansirano iz budžeta federacije je dječiji dodatak .

Zakonom o materijalnoj podršci porodicama sa djecom u Federaciji Bosne i Hercegovine ("Službene novine Federacije BiH "broj 52/22) koji je u primjeni sa 09.10.2022. godine, propisani su uslovi za ostvarivanje prava na dječiji dodatak.

Pravo na dječiji dodatak može ostvariti dijete ukoliko:

- a) ukupni mjesečni prihodi po članu zajedničkog domaćinstva ne prelaze 40% (četrdeset posto) najniže plaće u Federaciji utvrđene u skladu s odredbama Zakona o radu;
- b) nije smješteno u hraniteljsku porodicu ili ustanovu socijalne zaštite u periodu dužem od 30 dana, a troškovi smještaja se djelimično ili u potpunosti obezbjeđuju iz budžetskih sredstava.

Visina dječjeg dodatka iznosi 19% (devetnaest posto) najniže plaće u Federaciji utvrđene u skladu s odredbama Zakona o radu.

Naknade po osnovu prava na dječiji dodatak se osiguravaju u Budžetu Federacije.

Pokazatelji o broju lica- djece korisnika osnovnog prava porodice sa djecom - dječijeg dodatka obuhvaćenih oblicima i uslugama socijalne zaštite u 2023., 2024. godini(zaključno sa 31.12.2024. godine) i očekivanja u 2025. godini iskazani su u Tabeli br.17

Tabela br.17

OBLICI I USLUGE SOCIJALNE ZAŠTITE	Br.lica u 2023.god.	Br.lica u 2024.god.	Očekivani br.lica u 2025.god.
Dječiji dodatak	1.909	1.152	1600

Osnovna prava porodice sa djecom finansirana iz Budžeta Kantona i Općine

Osnovna prava porodice sa djecom u skladu sa kantonalnim zakonom su:

1. naknada umjesto plaće ženi-majci u radnom odnosu, za vrijeme dok odsustvuje s posla radi trudnoće , porođaja i njege djeteta,
- 2.novčana pomoć za vrijeme trudnoće i porođaja žene-majke koja nije u radnom odnosu,
- 3.osiguranje jednog obroka u vrijeme nastave u školama osnovnog obrazovanja

Prava navedena u tački 1. i 2. se finansiraju iz Budžeta Kantona a pravo pod tačkom 3. se finansira iz Budžeta Općine.

Pokazatelji o broju lica-korisnika osnovnih prava porodice sa djecom obuhvaćenih oblicima i uslugama socijalne zaštite u 2023., 2024. godini(zaključno sa 31.12.2024. godine) i očekivanja u 2025. godini iskazani su u Tabeli br.18

Tabela br.18

OBLICI I USLUGE SOCIJALNE ZAŠTITE	Br.lica u 2023.god.	Br.lica u 2024.god.	Očekivani br.lica u 2025.god.
naknada umjesto plaće ženi-majci u radnom odnosu, za vrijeme dok odsustvuje s posla radi trudnoće , porođaja i njege djeteta	156	129	135
novčana pomoć za vrijeme trudnoće i porođaja žene-majke koja nije u radnom odnosu	252	275	280
osiguranje jednog obroka u vrijeme nastave u školama osnovnog obrazovanja	39	36	40

Važno je napomenuti da su sa stupanjem na snagu Zakona o Izmjenama i dopunama Zakona o socijalnoj zaštiti, zaštiti CŽR i zaštiti porodice sa djecom (Kantonalni zakon) , sa primjenom od 01.09.2022. godine ukinuta prava na jednokratnu pomoć za opremu novorođenog djeteta i pomoć u prehrani djeteta i dodatnu ishranu za majku dojilju.

Potrebno je napomenuti da je iznos od 2 KM dnevno za osiguranje jednog obroka u vrijeme nastave u školama osnovnog obrazovanja zanemariv u odnosu na porast troškova života te da bi bilo potrebno izvršiti izmjenu propisa o kriterijima za ostvarivanje prava te odrediti iznos primjeren trenutnim potrebama.

U 2025. godini Centar za socijalni rad će nastaviti aktivnosti koje će omogućiti osiguranje porodice sa djecom kroz materijalna i druga davanja, te pomaganju u podizanju, odgoju i zbrinjavanju djece, kao i njihovom osposobljavanju za samostalan život i rad.

Stimulacija nataliteta - jednokratna novčana pomoć za porođaj i opremu novorođenog djeteta

Odlukom Općinskog vijeća općine Kakanj o jednokratnoj novčanoj pomoći za porođaj i opremu novorođenog djeteta broj: 0-01/151/12 od 28.06.2012. godine propisan je način ostvarivanja navedenog prava .

Izmjenama i dopunama Odluke o jednokratnoj novčanoj pomoći za porođaj i opremu novorođenog djeteta broj:01/1-29-121/19 od 03.04.2019. godine Općinsko vijeće Općine Kakanj, jednokratna pomoć počev od 01.01.2019. godine se utvrđuje u slijedećim iznosima:

a) za zaposlene porodilje:200,00 KM za prvorodeno dijete, 250,00 KM za drugorođeno, te 300 KM za treće i svako naredno dijete

b) za nezaposlene porodilje:250,00 KM za prvorodeno dijete, 350,00 KM za drugorođeno, te 500 KM za treće i svako naredno dijete.

Pokazatelji o broju lica obuhvaćenih oblicima i uslugama socijalne zaštite - jednokratna novčana pomoć za porođaj i opremu novorođenog djeteta u 2023., 2024. godini(zaključno sa 31.12.2024. godine) i očekivanja u 2025. godini iskazani su u Tabeli br.19.

Tabela br.19

OBLICI I USLUGE SOCIJALNE ZAŠTITE	Br.lica u 2023.god.	Br.lica u 2024.god.	Očekivani br.lica u 2025.god.
jednokratna novčana pomoć za porođaj i opremu novorođenog djeteta	298	370	390

Očuvanje braka i porodice

Socijalno-ekonomska nestabilnost porodice i druge socijalne okolnosti potencijalno generiraju raznovrsne socijalne devijacije odnosno socijalnu devijantnost i sve veću sklonost djece socijalno patološkim pojavama:krađi, skitnji, prosjačenju, narkomaniji, opijanju, prostituciji,kockanju

Centar kao organ starateljstva ima ulogu inicijatora, koordinatora i organizatora socijalno-zaštitnih aktivnosti prema porodici i njenim članovima a osnovni cilj je sačuvati, osnažiti i unaprijediti odnose u porodici, a u sklopu toga zaštititi interese pojedinih članova porodice.

Zbog visokog rizika u kome se nalaze djeca iz porodica sa poremećenim porodičnim odnosima, Centar (u svojstvu organa starateljstva) u 2025. godini će pružati stručnu pomoć u rješavanju narušenih porodičnih odnosa, primjenjujući mjere porodično-pravne zaštite ličnosti, prava i interesa maloljetne djece ugrožene dezintegracijom porodice i prestankom bračne ili vanbračne zajednice roditelja, kroz savjetovanje za brak i porodicu i predbračno savjetovanje u prostorijama Porodičnog savjetovišta JU Centar za socijalni rad Kakanj .

ZDRAVSTVENO OSIGURANJE

U skladu sa Uputstvom ministra Ministarstva za rad , socijalnu politiku i izbjeglice Zeničko-dobojskog kantona o načinu priznavanja prava na zdravstveno osiguranje i ostvarivanje osnovne zdravstvene zaštite određenih kategorija koja nisu zdravstveno osigurana po drugom osnovu , korisnici prava na zdravstveno osiguranje su:

- a) korisnik prava na stalnu novčanu pomoć,
- b) lice starije od 65 godina (muškarac), odnosno 60 godina (žena),
- c) civilna žrtva rata,
- d) dijete od rođenja do polaska u osnovnu školu, ako nije zdravstveno osigurano kao član porodice osiguranika,
- e) lice smješteno u ustanovu socijalne zaštite i lice koje je u postupku smještaja,
- f) lice koje je žrtva porodičnog nasilja i nasilja u zajednici,
- g) žena majka-porodilja koja nije u radnom odnosu za vrijeme trudnoće, porođaja i do uzrasta djeteta do godinu dana, odnosno izuzetno i otac djeteta ukoliko ostvaruje pravo novčanu pomoć u skladu sa članom 127. stav (4) Kantonalnog zakona;
- h) lice sa invaliditetom i lice sa teškoćama u razvoju u smislu člana 13. Kantonalnog zakona,
- i) dijete i odraslo lice smješteno u hraniteljsku porodicu.

Pravo na zdravstveno osiguranje ostvaruju i članovi porodice lica iz tačke a), b), c) i g) pod uslovom da su radno nesposobni i da ne ostvaruju pravo na zdravstveno osiguranje po drugom osnovu.

Pokazatelji o broju lica - korisnika prava na zdravstveno osiguranje u 2023., 2024. godini(zaključno sa 31.12.2024. godine) i očekivanja u 2025. godini iskazani su u Tabeli br.20.

Tabela br.20

KATEGORIJA KORISNIKA USLUGA	Br.lica u 2023.god.	Br.lica u 2024.god.	Očekivani br.lica u 2025.god.
Zdravstveno osiguranje	375	411	420

U skladu sa zakonom i potrebama građana, ustanova će omogućiti ostvarivanje prava na zdravstveno osiguranje licima predviđenim Uputstvom ministra Ministarstva za rad, socijalnu politiku i izbjeglice Zeničko-dobojskog kantona.

USLUGE SOCIJALNOG I DRUGOG STRUČNOG RADA

Centar će i u 2025. godini omogućiti građanima ostvarivanje prava na usluge socijalnog i drugog stručnog rada. Prvenstveno se odnosi na pojedince, porodice i društvene grupe, neovisno od materijalne mogućnosti i korištenja nekog od oblika socijalne zaštite, radi zaštite njihovih prava i interesa i sprječavanja pojava i ublažavanja posljedica stanja socijalne potrebe.

Pored navedenog u prostorijama Porodičnog savjetovališta JU Centar za socijalni rad Kakanj, Centar će nastaviti kontinuitet besplatnog pružanja pomoći građanima (dva puta mjesečno) u saradnji sa Centrom ženskih prava Zenica koji je obezbjedio i predhodne godine, a sve u cilju zaštite prava i interesa građana.

SARADNJA CENTRA SA DRUGIM INSTITUCIJAMA I NEVLADINIM ORGANIZACIJAMA

U cilju uspješnijeg izvršavanja programskih zadataka ,Centar će u svom radu sarađivati sa:

1. Organima BiH , Federacije, ZE-DO Kantona , Federalnim ministarstvom rada i socijalne politike, Ministarstvom za rad i socijalnu politiku ZE-DO Kantona, saradnju sa općinskim organima vlasti na čelu sa Općinskim načelnikom i organima uprave , Općinskim vijećem i institucijama značajnim za razvoj i unaprjeđenje socijalne zaštite.
- 2 . Preduzećima, školama, omladinskim i dječijim organizacijama, raznim udruženjima na nivou općine , kantona i šire.
3. Organizacijama socijalne zaštite na području Općine i van Općine, a posebno sa ustanovama i zavodima u kojima se nalaze smještena maloljetna i punoljetna lica sa ovog područja.
4. Sa nadležnim organima i ustanovama: Općinski sudom, Kantonalnim tužilaštvom, Policijskom stanicom , Domom zdravlja i Centrom za mentalno zdravlje i drugim organima i ustanovama.
5. Sa humanitarnim i drugim organizacijama i udruženjima.

ZAŠTITA MARGINALIZIRANIH GRUPA

U 2025. godini i dalje će se provoditi aktivnosti na zaštiti marginaliziranih grupa ili grupa pod rizikom, kao što su nezaposlene osobe, samohrani roditelji, djeca bez adekvatne porodične podrške, stari i bolesni, invalidne osobe, žrtve nasilja u porodici i manjinske grupe, kroz pružanje pomoći socijalno-zaštitnog karaktera.

ANALITIČKO-ISTRAŽIVAČKA DJELATNOST

U cilju sagledavanja stvarnog stanja i predlaganja mjera za poboljšanje rada i stanju u pojedinim oblastima, Centar će najmanje jednom godišnje izraditi sljedeće :

- Plan i program rada Centra sa finansijskim planom,
- Izvještaj o radu Centra sa finansijskim izvještajem,
- Informaciju o položaju korisnika socijalne zaštite,
- Kroz partnersko djelovanje, izradu projekata u skladu sa potrebama korisnika usluga.

Finansiranje

Sredstva za finansiranje socijalne zaštite, zaštite civilnih žrtava rata i zaštite porodice sa djecom osiguravaju se iz: budžeta Federacije , budžeta Kantona, budžeta Općine, ulaganja osnivača, privrednih i uslužnih djelatnosti ustanova, te ličnog učešća korisnika ,poklona i drugih izvora.

Centar za socijalni rad se finansira iz Budžeta Općine, kao osnivača /plaće zaposlenika, materijalni troškovi/.

Iz Općinskog Budžeta finansirat' će se:

- a) stalna novčana pomoć u obimu 40% potrebnih sredstava;
- b) privremena i jednokratna novčana pomoć;
- c) jednokratna novčana pomoć za porođaj i opremu novorođenog djeteta ;
- d) osiguranje obroka u vrijeme nastave u školama osnovnog obrazovanja;
- e) posebni psihosocijalni tretman bračnih drugova koji žele djecu;
- f) usluge socijalnog i drugog stručnog rada;
- g) kućna njega i pomoć u kući;
- h) smještaj djece uz osiguranu ishranu u ustanovama predškolskog odgoja;
- i) i druga prava iz socijalne zaštite, koja svojim propisima utvrđuju, odnosno planira

Općina

Iz Kantonalnog Budžeta finansirat' će se:

- stalne novčane pomoći u obimu 60% potrebnih sredstava;
- osposobljavanje za život i rad;
- smještaj u hraniteljske porodice;
- smještaj u ustanove socijalne zaštite;
- prava civilnih žrtava rata u obimu 30%;
- naknada umjesto plaće ženi-majci u radnom odnosu za vrijeme dok odsustvuje sa posla radi trudnoće, porođaja i njege djeteta;
- novčana pomoć za vrijeme trudnoće i porođaja žene-majke koja nije u radnom odnosu;
- zdravstveno osiguranje korisnika socijalne zaštite.

Iz Federalnog Budžeta finansirat' će se:

- civilne žrtve rata u obimu 70% ;
- osnovna prava civilnih invalida ;
- prava roditelja njegovatelja ;
- dječiji dodatak.

Uzimajući u obzir težnju za podizanjem kvalitete pružanja usluga građanima kao i kompleksnost pristupa socijalnih i drugih javnih usluga prioritetni zadaci Centra u 2024. godini će biti ostvarivanje prava korisnika, obezbjeđenje i isporuka različitih socijalnih usluga, socijalni razvoj zajednice i aktera u zajednici, praćenje i analiza društvenih potreba i socijalnog stanja pojedinaca, porodice, grupa i zajednice u cjelini i koordinacija različitih aktera.

RESURSI

Kadrovi

U realizaciji Plana i programa rada JU Centar za socijalni rad Kakanj za 2025. godinu učestvovat' će 15 radnika predviđenih Pravilnikom o unutrašnjoj organizaciji i sistematizaciji radnih mjesta ustanove, 8 radnika sa VSS: Direktor , 2 diplomirana socijalna radnika, 1 diplomirani pravnik, 2 diplomirana socijalna pedagoga, 1 diplomirani psiholog, 1 diplomirani ekonomista, 3 Bakalaureat/bachelor socijalnog rada , 2 radnika sa SSS, 1 radnik SSS - III stepen i 1 radnik NSS, te 1 lica na stručnom osposobljavanju bez zasnivanja radnog odnosa.

Uposleni radnici imaju pravo i obavezu na stručno usavršavanje i edukaciju u skladu sa aktima ustanove.

Prostorni i tehnički resursi

Za obavljanje važne i odgovorne uloge u društvu ustanova pored neophodnih kadrova, treba da ispunjava i potrebne uslove za pružanje usluga, kancelarijski prostor i materijalno-tehnička sredstva i opremu.

U 2025. godini Centar će uložiti dodatne napore u cilju obezbjeđenja nabavke materijalno - tehničkih sredstava i opreme kao i drugih sredstava .

Napominjemo da je u 2025. godini Centar planirao nabavku službenog terenskog vozila (zamjena za postojeće službeno vozilo- oper corsa, godina proizvodnje vozila - 1996) obzirom da je rad na terenu u ustanovi zastupljen u 80% predmeta a otežavajuću okolnost predstavlja neispravno navedeno službeno vozilo.

Sastavni dio Plana i programa rada JU Centar za socijalni rad Kakanj za 2025. godinu čini Finansijski plan JU Centar za socijalni rad Kakanj za 2025. godinu.

Dostaviti:

1. Općinskom vijeću Općine Kakanj
2. Službi za društvene djelatnosti, boračka pitanja,
raseljena lica, izbjeglice i povratnike
3. Predsjedniku Upravnog odbora
4. Direktor Centra
5. a/a Upravnog odbora
6. a/a Centra

Predsjednik
Upravnog odbora:

Samir Husika

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
JU CENTAR ZA SOCIJALNI RAD KAKANJ
- UPRAVNI ODBOR -
Broj:05-6-05-3-_____/25
Datum, _____2025. godine

Upravni odbor JU Centar za socijalni rad Kakanj , na osnovu člana 9. Poslovnika o radu Upravnog odbora JU Centar za socijalni rad Kakanj, na svojoj _____ (redovnoj) sjednici, održanoj dana _____2025. godine, donosi:

O D L U K U

o usvajanju Prijedloga Plana i programa rada JU Centar za socijalni rad Kakanj sa finansijskim planom za 2025. godinu

I

Ovom Odlukom usvaja se Prijedlog Plana i programa rada JU Centar za socijalni rad Kakanj sa finansijskim planom za 2025. godinu.

II

Ova Odluka stupa na snagu nakon davanja saglasnosti na isti od strane Općinskog vijeća Općine Kakanj.

O b r a z l o ž e n j e

Od strane direktora ustanove Upravnom odboru podnesen je Prijedlog Plana i programa rada JU Centar za socijalni rad Kakanj sa finansijskim planom za 2025. godinu.

Upravni odbor je nakon razmatranja isti jednoglasno usvojio.

Dostaviti:

1. Općinskom vijeću Općine Kakanj
2. Službi za finansije Općine Kakanj
3. Službi za društvene djelatnosti ,boračka pitanja ,
raseljena lica ,izbjeglice i povratnike
Općine Kakanj
4. Predsjedniku Upravnog odbora

- 5. Direktor Centra
- 6. a/a Upravnog odbora
- 7. a/a Centra

Predsjednik Upravnog odbora:

Samir Husika

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
JU CENTAR ZA SOCIJALNI RAD KAKANJ
- UPRAVNI ODBOR -

Broj:05-6-05-3-_____/25
Datum, _____2025. godine

OPĆINA KAKANJ
- OPĆINSKO VIJEĆE -

Predmet: Prijedlog Plana i programa rada JU Centar za socijalni rad
Kakanj sa finansijskim planom za 2025. godinu
-dostavlja se na razmatranje i davanje saglasnosti

U prilogu akta dostavljamo Vam Prijedlog Plana i programa rada
JU Centar za socijalni rad Kakanj sa finansijskim planom za 2025.
godinu na razmatranje i davanje saglasnosti na isti.

S poštovanjem ,

Prilozi:- Prijedlog Plana i programa rada JU Centar za socijalni rad
Kakanj sa finansijskim planom za 2025. godinu;
- Odluka Upravnog odbora JU Centar za socijalni rad Kakanj o
usvajanju Prijedloga Plana i programa rada JU Centar za
socijalni rad Kakanj sa finansijskim planom za 2025. godinu.

Dostaviti:

1. Naslovu
 2. Predsjedniku Upravnog odbora
 3. Direktor Centra
 4. a/a Upravnog odbora
 5. a/a Centra
- BOSNA I HERCEGOVINA

Predsjednik
Upravnog odbora:

Husika Samir

FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
JU CENTAR ZA SOCIJALNI RAD KAKANJ

Broj: 01-05-3-_____/25
Datum,_____.2025. godine

OPĆINA KAKANJ
- SLUŽBA ZA FINANSIJE -

Predmet: Prijedlog Finansijskog plana JU Centar za socijalni rad Kakanj
za 2025. godinu , dostavlja se

U prilogu akta dostavljamo Vam Prijedlog Finansijskog plana JU Centar za
socijalni rad Kakanj za 2025. godinu .

S poštovanjem ,

Prilozi: - Prijedlog Finansijskog plana JU Centar za socijalni rad Kakanj za 2025.
godinu;
- Odluka Upravnog odbora JU Centar za socijalni rad Kakanj o
usvajanju Prijedloga Plana i programa rada JU Centar za
socijalni rad Kakanj sa finansijskim planom za 2025. godinu.

Dostaviti:

1. Naslovu
2. Predsjedniku Upravnog odbora
3. Direktor Centra
4. a/a Centra

Direktorica :

Harisa Muratović

BOSNA I HERCEGOVINA

FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
JU CENTAR ZA SOCIJALNI RAD KAKANJ

Broj: 01-05-3-_____/25

Datum,_____.2025. godine

OPĆINA KAKANJ

- Služba za društvene djelatnosti , boračka pitanja ,
raseljena lica , izbjeglice i povratnike -

Predmet: Prijedlog Plana i programa rada JU Centar za socijalni rad Kakanj sa
finansijskim planom za 2025. godinu , dostavlja se

U prilogu akta dostavljamo Vam Prijedlog Plana i programa rada JU Centar za
socijalni rad Kakanj sa finansijskim planom za 2025. godinu.

S poštovanjem ,

Prilozi:- Prijedlog Plana i programa rada JU Centar za socijalni rad Kakanj sa
finansijskim planom za 2025. godinu;
- Odluka Upravnog odbora JU Centar za socijalni rad Kakanj o usvajanju
Prijedloga Plana i programa rada JU Centar za socijalni rad Kakanj sa
finansijskim planom za 2025. godinu.

Dostaviti:

1. Naslovu
2. Predsjedniku Upravnog odbora
3. Direktor Centra
4. a/a Centra

Direktorica :

Harisa Muratović